

釋迦如來成道記

中村進午文庫  
文庫 5  
412  
1



所屬 H89  
部門 II  
番號 39 1

佛

所屬 HK  
部門 中村健文庫  
番號 120  
小番 1

昭和二十一年五月  
中村健文庫  
贈

昭和二十一年十月二十七日  
法政大學研究部より核印

釋迦如來成道記



# 釋迦如來成道記



唐太原 王勃 撰

錢唐月輪山居慧悟大師  
賜紫 道誠 註

釋迦者梵語也華言能仁即娑婆世界化佛之姓也謹按長阿含經云昔有轉輪王姓其族氏聽次死之諸擯四太子至雪山北自立城居以德飯人不數年間蔚為強國父王悔

憶遺使往詔四子辭過不飯父王乃三歎曰  
我子釋迦因命氏焉如來者梵云多陀阿伽  
度秦言如來十號之一也謂從如實道來成  
正覺也成道者法王啓運之謂也夫諸佛之  
道無得為得非常道也且釋迦如來成道已  
來甚太久遠非即今世以慈悲大誓化現身  
相接物利生亦有始末故云成道

唐書王勃高宗朝博士福時第三子也與兄  
勳勳俱有才名時稱爲王氏三珠樹勃少與  
楊炯盧照隣駱賓王齊名海內號爲四傑乾  
封中沛王聞其才名辟入府時諸王尚鬪鷄  
勃戲爲檄英王鷄文高宗怒曰此即交構之  
漸乃黜虢州參軍有滕王閣記釋迦畫像記  
維摩畫像碑  
並盛行於世

### 觀夫釋迦如來之垂迹也

觀夫者發語之端  
緒也釋迦如來見

上註垂迹者祐法師云蓋聞菩提之爲極也  
神妙寂通圓智湛照道絕形識之封理昇生

滅之境豈實誕於王宮寧真謝於固林哉但  
憫群萌長寢同飯大覺緣來斯化感至必應  
若應而不生誰與悟俗化而無名何以導世  
是以標號釋迦檀種利利体域中之尊冠人  
天之秀然後脫履儲宮真觀道樹捨金輪而  
馭大千明玉毫而制法界此其所以垂迹也  
**淨法界身本無出沒**  
辨紀化迹始末乃先談  
法身夫法身者即化身  
之本体清淨法界也強名頗多此不備叙秦  
僧肇云如來者法界為体形無不在量出規

矩之外道超言議之表凝然湛寂非色非相  
不生不滅無來無去故云本無出沒

**大悲願力示現受生**

此句明有出沒也言大  
悲者佛四等心之一是

佛道之根本以拔苦為用用在佛果故稱大  
也願者即大誓也力者十力也此十波羅密  
隨舉其二夫諸佛有大悲故不住涅槃有大  
智故不住生死有大願故所以涉苦彌勤從  
真入假方便有身  
**洎地率陀天**  
梵云兜率陀  
故云示現受生

華言知足即欲界第四天也涅槃經云此天  
欲界最勝故補處菩薩皆示生此天為教化  
眾生為護明菩薩護明即釋迦佛因地於此  
賢劫過去去人壽二萬歲時

故 值迦葉波佛最後受當來成佛記時名也及  
生兜率亦用此名若今之慈氏也菩薩梵語  
具足云菩提薩埵此云覺有情 降迦毗羅國梵  
云

情從行立稱今畧云菩薩 迦毘羅蘄都華言妙  
德城即中天竺也 號一切義成梵云薩婆  
頗他悉陀

華言一切義成即釋迦佛最初小字也或訛  
畧云悉達瑞應經云菩薩王宮生時國中釋  
種同日生五百男子鹿中象馬各生五百駒  
子宮中五百伏藏現海中五百商人採寶販  
各獻珍珠父王見其瑞事故立此名攝大乘  
論云立各有五因謂因生類因相因假因輕  
賤因敬重太子立各因相 金團天子選其家  
也謂生時有多瑞相故 本行經云護明謂天人金團曰往昔補處菩  
薩托生之家須具六十種功德三代清淨汝

下閣淨為我觀察金團曰迦毘羅城王各淨  
飯夫人名摩耶於諸世間具足功德清淨有  
大名稱堪生彼家護  
明日善哉我定生彼  
**白淨飯王為其父** 梵云

馱那此云淨飯本行  
經云謂財德純備故  
**王象乘日** 夫釋迦如來  
示生此土始

終有其八相一兜率來儀相二嵐毘尼園降  
生相三四門遊觀相四逾城出家相五雪山  
示修道相六菩提樹下降魔成道相七鹿野  
苑轉法輪相八娑羅林下般涅槃相此初相

也普曜經云菩薩當行白象形入  
胎何以故三獸渡河象窮底故  
**示來於大**

**術胎中** 梵語摩訶摩耶華言太術即佛母也  
是天臂城中善覺長者第八女也相

師占曰此女當生轉輪聖王時淨飯王聞乃  
娶為妃本行經云摩耶夫人夢白象日輪右  
脇而入具以白王召相師問之曰女人此夢  
必生轉輪聖王矣掌試論之經不云菩薩九  
十一劫不墮惡道如何最後生中有身為白  
象耶然娑婆論云此非實事以彼國尊白貴

象凡有此夢為大吉祥欲令占者言之故示其相爾問曰最後生菩薩實受胎耶答華嚴經云為欲成就小心劣解眾生不欲彼作念是自然化生功德智慧不從修得是故示現受胎又云菩薩在母胎中室樓珍殿一如天宮行住坐卧不令母有苦患日日三時十方諸佛入來安慰說受生法門十方同行菩薩及諸天人皆入問訊聽法以此明證非實事也

### 金輪作王

輪王有四一鐵輪王治一天下二銅輪王治二天下三銀輪王

治三天下四金輪王統治四天下有七寶千子七寶者一金輪二玉女三馬四象五王藏神六王兵臣七如意珠此七物聖王受位之日皆自空來由是凌虛周遊四天一切國土見金輪飛至皆自臣伏本行經云太子生已善相者云具三十二相顯著必為轉輪聖王

### 創誕於無憂樹下

此第二嵐毘尼園降生相也瑞應經云摩耶夫人胎月將滿思遊此園到已即舉右手攀無憂樹枝從右脇而生太子天帝以天妙衣裹手兼

接天人持金柄傘蓋諸天龍神散香華鼓音  
 樂十方大地六種震動有三十二種瑞應事  
 文多不錄按今古論衡周書異記云姬周昭  
 王二十四年甲寅歲四月八日江河泉井泛  
 溢山川宮殿震動常星不現現有五色光貫太  
 微宮王問群臣太史蘇由奏曰西方有聖人  
 生却後千年教法來此王  
 令鑄石埋於南郊誌之  
**八十種隨形之妙**  
**好餐着芬花** 娑婆論云八十種好在諸相間  
 隨諸相轉莊嚴佛身言芬花者

具足梵語芬陀利花此云白蓮花涅槃經云  
 如來之身非胎所汚如芬陀利花本性清淨  
 故

**三十二大士之相儀皎如圓月**

涅槃經云  
 亦現三十

二相以自莊嚴如十  
 五日夜盛滿之月

**四方而各行七步**

瑞應  
 經云

菩薩初生之時無人扶持於四方面各行七  
 步自然蓮花兼足華嚴經云現於世間最無  
 比故金剛仙記云如來示行有三種一運神  
 通凌虛而行二自然蓮花兼足三行時足底



離地四指千福  
輪相印地分明  
**九水而共沐一身**  
普曜經云菩薩生時

九龍在空降微細雨  
不冷不熱浴菩薩身  
**現優曇花**  
優曇鉢羅花

花方現以世間有名難見故喻佛出世難值  
也如是本行集經云阿私陀僊白大王曰如

優曇鉢羅花無量無邊億百千年時一出現  
佛亦如是阿含經云當觀如來出世如優曇

鉢羅花涅槃經云佛  
如優曇花值遇生  
**作師子吼**  
因果經云太子生時一手

指天一手指地作大師子吼云天上天下惟我獨

尊夫世間師子百獸之長也一吼有四事一百獸

聞則腦裂二香象降伏三飛鳥墮落四水族

潛伏今喻佛聲蓋取無畏之義也亦有四事

一佛聲說法百法俱破二天魔降伏三外道

邪見墮落四一切煩惱伏斷法喻平等其若  
此言胎分已盡早證常身  
常身者淨法界法身也法華經云如來成佛已來甚大久遠若然者則胎分已盡不受後有今何生耶

**爲慶**

# 還來今垂化迹

諸佛之心大慈悲是也。以象生界無盡故大悲亦無盡所

以為度眾生出現世間爾問曰佛既成道久遠具大自在何不直便化生成佛何用入胎誕脇耶答曰大善權經云菩薩欲不由胎生一頃成佛恐彼小心劣解眾生疑是變化不肯受教若生貧賤設易出家人謂避飢寒故是以示入胎誕脇生帝王家種種順俗而後出於是還歸祿不類嬰兒涅槃經云如來身者即是法身

非是血肉筋骨所成隨順世間象生法故示為嬰兒釋名曰育前曰嬰提之嬰前以乳養之故曰嬰兒為白相也悲悵於阿私陀仙梵云阿私陀華

言無比是西域長壽仙人有人倫之鑒本行經云淨飯王詔阿私陀仙相太子其仙悲啼哽咽王問其故仙曰太子具三十二相八十種好分明顯著非是轉輪聖王決定出家成佛轉大法輪安樂一切眾生我今自慨年耆不見法化失其大利故悲悵爾往郊

祠也驚起於大自在廟

瑞應經云淨飯王嚴駕抱太子講大自在

天神廟時諸神像悉起禮拜太子足父王驚嘆曰我子於天神中更尊勝宜字天中天此

即佛第二小字也

或為童子

華嚴經云現居童子地欲示現通達世間一切

事業

或學聲聞

天竺大論有五明一聲明二工巧明三醫方明四因明五

內明其聲明論釋詁訓天竺聰明者方教之太子周學五明此舉其一則四從之

為

講武也箭塔箭井猶存

太子師屢提提婆此云忍夫學武本行經

云太子年十五與諸釋種鬪射一箭穿透七金鼓又一箭徹一鉄猪其箭透出著地入土

幽泉迸涌時天帝釋取其箭飯切利天上建塔盛貯供養此天上四塔之始一也其泉涌

處人名為箭井唐三藏西域記云箭井在迦毘羅城東南三十里其水味其如醴病者飲

之即愈民于今利之

為桶力也象跡象坑仍在

經云太子與弟

難陀調達出園桶カ已調達前行見一木象  
當門以手搏之而數次難陀出見象當途引  
手拽之道傍後太子出見用左手提起右手  
托而擲之象墮城外地爲之陷故呼爲象坑  
**受欲樂於十歲** 色聲香味觸此之五塵欲界  
生者無不貪者爲樂故名欲  
樂本行經云太子在宮具足五欲娛樂  
自在十年不曾外出故云受樂十歲 **現遊**  
**觀於四門** 此第三四門遊觀之 **樂沙門身狀**  
相爲出家之張本也

**老病歎** 沙門者出家弟子之通稱也本行經  
云太子宫中樂極思遊園苑王勅嚴  
淨街衢莊嚴園觀選一智臣爲侍備於顧問  
初出東門淨居天人化一老人庭羸倚杖太  
子見問侍臣曰此何人耶答曰此老人也問  
何名答曰昔曾少壯以寒暑迭遷血氣衰  
變人生世間無免老者次出南門天化一病  
人太子問侍臣答曰此病人也夫人嗜欲不節  
飲食過度四大不調轉變成疾衆痛迫惱存  
亡無期人生無有免者次出西門天化一死

太子問侍臣答曰此亦人也以壽數向盡  
精魄已去四大各離六根無覺父母妻子情  
深愛重無能留者世人無貴賤無賢愚皆不  
免死太子由是情思不悅迴駕歸宮或問曰  
經云王勃嚴淨街衢瓦礫草蘆不容遺餘安  
有病死之人敢當法駕之前耶答本行經云  
淨居天人挾緣而化惟太子侍臣見之乃至  
侍臣應答皆天力使之然也問曰天何人哉  
而強化斯事答皆菩薩夙世同行善友知識  
以誠誓所持故常隨左右作諸變相俾太子

在樂生狀不恣出家也太子次出北門天化  
一沙門持錫鉢徐行駕前太子問曰汝何  
人耶答我佛弟子沙門也問何名沙門答曰  
三界兮擾擾六趣兮昏昏識心達本源故號  
爲沙門言訖騰空而去太子瞻仰而  
喜曰惟此爲快哉當修學於是還宮  
**於是澡**  
**餅天子以驚覺**  
**夜女之醜容**  
太子因四門  
歷觀諸相忻  
厭之意愈一日由是父王益其伎樂以悅之  
每至夜分有淨居天人名澡餅住在空中發

言驚策復使樂器皆出五欲非樂世間無常  
涅槃寂靜速須出離之聲乃至令衆伎女熟  
睡衣裳披露不淨流溢太子歷見倍增厭離  
夫如來於淨法界大悲心中現斯影事豈實  
愛欲樂而待空言賴警策而生離狀若然則  
與凡夫何別耶蓋欲教化世間而示同世間  
之業也大方等無相經云若言如來實  
生王宮乃至八相成佛則是謗如來

淨居

天人以捧持躍車匿而嚴駕

此第四逾城出家相也至此據

大乘宗說太子已年二十九歲車匿者太子  
御人也本行經云太子屢以出家心自父王  
父王語曰汝當作轉輪聖王七寶千子統四  
天下如何以剃髮染衣為樂耶太子對日期  
成正覺統御大千攝化四生令出長夜豈以  
七寶四天下為好耶父王但加侍衛增伎樂  
曉夜惑之一夜淨居天人於空中告太子曰  
行矣時也乃召車匿韃馬主健陟至太子  
馬四夜叉承馬足天人持蓋梵王居左帝釋  
侍右天王從衛使國官諸門自然開闢守禦

者都<sub>テ</sub>不覺知<sub>レ</sub>乘<sub>レ</sub>虛而行<sub>キ</sub>至<sub>ニ</sub>雪山<sub>ニ</sub>苦行<sub>ス</sub>林中<sub>ニ</sub>詰  
 且<sub>ニ</sub>已行<sub>ク</sub>八百里<sub>ト</sub>華嚴經<sub>ニ</sub>云<sub>ク</sub>最後身<sub>ノ</sub>菩薩法爾  
 如<sub>レ</sub>是欲<sub>レ</sub>令<sub>レ</sub>著<sub>レ</sub>家衆<sub>ヲ</sub>生<sub>ク</sub>捨離<sub>セ</sub>家法<sub>ヲ</sub>爲<sub>レ</sub>現自在<sub>ノ</sub>不  
 屬<sub>セ</sub>宅<sub>ニ</sub>故<sub>ニ</sub>宣揚<sub>ス</sub>出家<sub>ノ</sub>功德<sub>ヲ</sub>勝<sub>テ</sub>故<sub>ニ</sub>是以<sub>テ</sub>示現<sub>ス</sub>出家<sub>ノ</sub>  
**逾春城於八夜**<sub>當<sub>ニ</sub>二月八日<sub>ニ</sub>夜半<sub>ニ</sub>時<sub>ニ</sub>逾<sub>テ</sub>城<sub>ヲ</sub>出<sub>ス</sub></sub>  
 年<sub>ニ</sub>壬申<sub>ノ</sub> **棲雪嶺於六年**<sub>言<sub>ク</sub>六年<sub>ノ</sub>者<sub>ハ</sub>是<sub>レ</sub>太子<sub>ノ</sub>在<sub>テ</sub>  
 之<sub>レ</sub>歲<sub>也</sub> **人辭愴戀王之心**<sub>人<sub>ハ</sub>謂<sub>ク</sub>御人<sub>ノ</sub>車匿<sub>也</sub>本<sub>ニ</sub>起<sub>ス</sub>  
 數<sub>ノ</sub> **人辭愴戀王之心**<sub>經<sub>ニ</sub>云<sub>ク</sub>太子<sub>ノ</sub>至<sub>リ</sub>山<sub>ニ</sub>語<sub>ク</sub>車匿<sub>也</sub></sub></sub></sub>

日<sub>ノ</sub>所難作<sub>事<sub>ヲ</sub>汝<sub>ハ</sub>與<sub>レ</sub>犍陟<sub>已</sub>能<sub>ク</sub>作<sub>ス</sub>之<sub>可<sub>レ</sub>但<sub>レ</sub>還<sub>レ</sub>國<sub>ニ</sub></sub>  
 車匿悲啼悶絕<sub>日<sub>テ</sub>言<sub>ク</sub>如何<sub>ヲ</sub>教我<sub>ヲ</sub>獨<sub>リ</sub>還<sub>レ</sub>宮中<sub>ニ</sub></sub>  
**馬舐落連珠之淚**<sub>馬<sub>ハ</sub>主<sub>ニ</sub>犍陟<sub>聞<sub>テ</sub>太子<sub>ノ</sub>言<sub>ク</sub>已<sub>ニ</sub>屬<sub>ス</sub>  
 膝<sub>ヲ</sub>舐<sub>テ</sub>太子<sub>ノ</sub>足<sub>ヲ</sub>淚<sub>下<sub>テ</sub>不<sub>レ</sub>絕<sub>ス</sub></sub>  
**揮寶刀而落紺髮塔太宮**<sub>本<sub>ニ</sub>行<sub>ノ</sub>經<sub>ニ</sub>云<sub>ク</sub>太子<sub>ノ</sub>自<sub>ラ</sub>  
 以<sub>テ</sub>寶<sub>ヲ</sub>裝<sub>レ</sub>佩<sub>ル</sub>刀<sub>ヲ</sub>左<sub>ノ</sub>手<sub>ニ</sub>  
 握<sub>テ</sub>紺<sub>青<sub>ノ</sub>之<sub>髮<sub>ヲ</sub>而<sub>テ</sub>發<sub>ス</sub>願<sub>云<sub>ク</sub>我<sub>ハ</sub>今<sub>ニ</sub>落<sub>ス</sub>此<sub>ノ</sub>髮<sub>ヲ</sub>誓<sub>ス</sub>與<sub>レ</sub>衆<sub>ニ</sub>  
 生<sub>ニ</sub>斷<sub>レ</sub>除<sub>ス</sub>煩<sub>惱<sub>ヲ</sub>及<sub>テ</sub>與<sub>レ</sub>習<sub>障<sub>ヲ</sub>尋<sub>テ</sub>卽<sub>ニ</sub>截<sub>ク</sub>下<sub>テ</sub>擲<sub>ク</sub>向<sub>ス</sub>空中<sub>ニ</sub>  
 天帝釋<sub>接<sub>テ</sub>往<sub>テ</sub>切<sub>レ</sub>利<sub>天<sub>ニ</sub>建<sub>テ</sub>塔<sub>ヲ</sub>安<sub>ス</sub></sub>  
 貯<sub>ニ</sub>供<sub>養<sub>ス</sub>此<sub>ノ</sub>天<sub>上<sub>ニ</sub>四<sub>塔<sub>ノ</sub>之<sub>一<sub>也</sub></sub></sub> **將袈服以貿皮**</sub></sub></sub></sub></sub></sub></sub></sub></sub></sub></sub></sub>

# 衣形參山鹿

本行經云太子自離衣裳非出家者所服時淨居天人化作獵人披袈裟衣太子見乃脫珍服換得披著喜日我今始為出家人也如經云天人化作獵人披袈裟者梵語此云壞色蓋非五方正色此惟佛法出家者所服然西域獵人多竊此衣著入山者山中多師子見此色衣謂是沙門即不害之彼天欲太子問此衣即為讚嘆衣之功德故又經云換鹿皮衣又專匿自太子言如何捨彼妙衣皆與諸麋鹿同處耶

# 扣林仙之所得了世定之非真

此第五雪山修道相也林

仙者謂若行林中外道也所得者外道所修之定謂心帶異計竹上厭下而修雖得生天乃是世間有為有漏故云世定假令修得非想非非想定壽八萬劫限滿仍前墮落欲界或生三惡道酬償夙業金剛經頌云饒經八萬劫終是落空亡即世定也本行經云太子至雪山苦行林中間諸仙曰汝勤苦修行當求何果仙曰求生諸天太子不悅捨而前行



至阿藍迦蘭并鬱頭藍弗二大仙處問四空處定作是思惟俱非究竟解脫之法亦捨而去

### 食麥食麻降苦降樂

本行經云太子至伽耶山尼連河側思惟

觀察一切衆生根緣六年後方可度之乃示修苦行日惟食一麻一麥以此自試是降樂也後悟此非真修乃受美且瑤琴奏曲必有食洗浴香塗是降苦也

### 中而曲成

此釋成降苦樂意也如佛在日有大富長者子名億耳投佛出家爲

求道故日夕精勤苦行乃至足破血流久無所證將欲反道佛知之問曰汝在家日能彈琴耶答能佛問絃太急太緩時如何答聲不成曲又問絃得中時如何答曲韻方成佛言我法中出家求道者亦如是太急則疲倦太緩則懈怠得中則其道成矣億耳奉教不月證阿羅漢果

### 佛果圓因亦假中而果滿

此句合前喻也梵云

佛陀此云覺謂自覺覺他覺行圓滿今畧稱佛也果即二空大涅槃也因謂六度萬行也

謂求佛圓果非太急太  
緩可成惟處中方成矣  
由是擇其處也過龍

窟處謂菩提場也在閻浮提地方之中三世  
諸佛皆向此處成道故須擇也本行經云

菩薩往菩提場彼踏有一龍主名迦茶其龍  
長壽曾見往古三佛成道瑞相乃以眷屬具  
香花音樂幡蓋迎菩薩供養又至文鱗曾龍  
在處水邊坐放光照水龍自暫開亦備香花  
音樂出水迎奉供養龍有七頭浴其身也入  
以身繞佛三匝昂頭覆菩薩頂



連河

經云菩薩入尼連河浴時有諸天持種  
種花香散河中浴訖時有樹神按樹枝  
低手引菩薩  
出水登岸  
示其食也受難陀之乳糜  
經云

如來之身已於無量阿僧祇劫不受飲食為  
諸聲聞說先受一牧牛女乳糜故本行經云  
菩薩將往道樹時有天人告善生村主二女  
一名難陀華言喜二名婆羅華言力日汝可  
最初施食於是二女以乳烹糜其釜上現種  
種瑞相乃用鉢盛奉獻菩薩食已將其鉢擲

向尼連河中天帝釋收歸天上不其座也受

建塔安置供養此四塔之二也釋化爲刈苑人菩薩問其名谷

**吉祥之苑草**天竺坐法必敷草爲藉時天帝

名吉祥乃受其苑苑色青緣柔軟光滑若孔雀頂**以最後之勝體**神

菩薩只此一身更不受**請菩提之道場**梵云

後有故云最後勝體**華言道謂佛在彼成道故曰道場**西域記云

在摩竭國尼連河西南十里有樹名菩提本

行集經云菩薩將至彼處色界諸夫圓解脫

先以天繒幡蓋懸於樹上用爲標幟圓解脫

**之深因**能拘世趣不能攝能令修短改度巨

細相容卽是所證之聖果也言深因者謂三

祇中所修一切行願并二空根本智此時功

滿故云**登金剛之寶座**俱舍論云此座下連

圓也**二百四十功德**世諸佛皆於此座成道古今

不共一乘

依法相宗佛不共功德有一百四十謂三十二相八十種好十力四

無所畏三念住三不護四一切清淨大慈大悲無念失一切種妙智惟佛果具足故云不

共八萬四千法門高超十地

為世之則謂之法眾聖所由謂

之門以眾生塵勞有八萬四千故法門之數亦爾蓋病以藥對待也言十地者一歡喜地二離垢地三發光地四燄慧地五難勝地六現前地七遠行地八不動地九善慧地十法

雲地瑜伽論云永斷最極微細煩惱及所知障無著無碍於一切種所知境界現正等覺故名佛地在十地之上故云高超也 由是魔軍威懾於慈及怒

怖旅歸

此第六菩提樹下降魔成道相也如來至此三十五瑜伽論云魔有四種

一天魔二死魔三煩惱魔四五陰魔今言魔軍即天魔也理實四魔俱降從顯立談故云天魔本行集經云菩薩初坐道場即放眉間一光名降魔直照魔王宮殿令失常也一時

震動魔將兵衆現種種可畏形狀各執器仗  
 欲害菩薩是時菩薩入慈心三昧一切刀首  
 皆生蓮華由是媚女敗毒於定心燃麻變質  
 魔衆驚懾潰散媚女敗毒於定心燃麻變質  
 魔有四女端正無倫共來菩薩前呈諸姿態  
 欲壞梵行時菩薩以慈心力四女皆變爲老  
 醜羸弱之狀醜羸弱之狀  
 羞愧而退羞愧而退  
**於是堅牢地神踊躍而作禮**佛觀  
 三昧經云彈王問佛汝之功德誰爲證明佛  
 卽垂無畏手指地一切大地六種震動時堅

牢地神涌出唱

**虛天子展轉而報知**菩薩成佛

言我是證明言我是證明  
 已地神報空神空神報天  
 神乃至上天展轉相報

**類蓮華而出水赫**

**煥無芳**涅槃經云如來出世  
清淨無染猶如蓮華  
**若桂月以懸空**

**光明洞徹**涅槃經云如來出世猶如秋月十  
五夜清淨圓滿無雲翳一切衆生

無不瞻仰  
**經七日受提謂之妙密警以來示之言**

七日者如來成道已來日數也提謂者北竺  
 二商人也麩蜜者天竺常食也本行經云佛  
 成道七日有樹神告二商人一名提謂一名  
 波利云汝可備供養如來於是各獻麩蜜佛  
 受之為說布施因果故云少小之言垂一音授賈客之戒歸賜  
 與人天之福佛聲無漏故云一音賈客即提  
 果報歿生天上次生人間故云賜與人天之  
 福夫諸佛教化常法有其七要先發人心一

說布施二說持戒三說生天果報四說果報  
 樂味五說果報過患六教離世間七難涅槃  
 功德今方成道投機觀根且說歸戒爾既成佛已觀所化緣觀  
 何者堪悲二仙而不遇雷音一儂謂阿藍迦  
 先度脫也念此二外道垢薄根利欲先度之彼歿七  
 日嗟其不遇正法華嚴經云震實法雷音雷  
 音者如來具五種聲之一也喜五人而堪從法化五人者  
 種聲之一也

如二、跋提離三、婆沙波四、阿奢輪五、摩訶南  
佛次觀此五人在鹿野苑根緣僅僅熟可以  
度一切煩惱能拿  
**然以塵根昧劣聖智淵深**汚淨心月之爲  
塵是生灰之本故名根也唯佛一切種妙智  
於三世一切法照見無不自在故曰聖智

**順其法則法不應根順其根則根不達法**  
如來化儀法有權實衆生所欲根有大小大  
根者授以小法若內穢食於寶器小根者說

與大乘猶使蚊負於高山  
苟不觀根則人法俱失  
**莫不爲愛河之長**

**溺緣痴樂之所旨**順正理論云愛者三界貪  
情喻之河也衆生不能自出經無數時故云  
長溺痴者謂三界無明也使不見正道謂之  
盲夫一切衆生皆具正眼與佛無異但由無  
明妄想覆蔽不見正道故法華經云衆生諸  
根鈍著樂此  
**苟不利於當聞仍假言而入滅**方  
癡所旨

便張本也法華經云若但讚佛乘衆生沒在  
苦不能信是法墜於三惡道我寧不說法疾

入於**於是切利帝釋雲驅於三十三天**  
多羅

夜登陵舍訛畧云切利華言三十三夫謂妙

高山頂有四象每象有八天中間帝釋所居

善現宮善法堂共成三十三也帝釋者即彼

天王梵云釋迦提婆上那因秦言能主惣師

三十三**堪忍界王霧擁於二十八梵**  
婆或云

索訶薩訶華言堪忍即大千界之都名也自

誓三昧經云謂此土人剛強難忍故云堪忍

也界王即太梵天王是娑婆世主也言十

八梵者謂初禪有三夫謂梵衆梵補太梵二

禪有三夫謂少光無量光光音二禪有三夫

謂少淨無量淨遍淨四禪有九夫謂福生福

愛廣果無想無煩無熱善現善見色究竟共

有十八天也禪之與梵皆清淨義雲驅霧

擁者來見佛時

衆多如是也  
**頭面作禮致敬精專請轉法**



# 輪勸隨宜說

頭面著地五輪具足是佛法中上品禮蓋敬之至也觀請者五

法中一也具自他二利故諸佛凡有所說皆

名轉法輪也梵主帝釋皆觀請人也隨宜說

者方便

之義也

## 如來尋念善逝通規順古佛之嘉謨

# 應群機之鄙欲

如來者即釋迦也善逝自過去佛也謂成等正覺已出生

死長夜具一切種智二利功德善事已畢故

云善逝通規嘉謨皆佛方便善巧也鄙欲者

樂小之心也法華經云尋念過去佛所行方便力我今所得道亦應說三乘

## 十時

# 十方佛現同興讚美之詞

如來思惟方便之時十方

諸佛皆現前讚云善哉釋迦文第一之導師可用方便隨宜說法

# 一法乘分

# 共創塵勞之域

此方便門開也涅槃經云一乘之法隨宜說三生成煩惱

界中謂之塵勞域

# 由是起道樹詣鹿園

此第七鹿野苑轉法輪相

也道樹者成佛處菩提樹也既受勸請將轉法輪處也西域記云在波羅奈國昔釋迦佛因地修菩薩行時化身為鹿王名善鹿王提婆達多名惡鹿王各有五百眷屬同止此林時國王名梵摩達遊獵此林一鹿王并眷屬俱在圍中時善鹿王遂至王前啓自王曰大王投獵燎原之次我徒一千人在今日然鹿外肉多即日腐臭願王恩宥許日供一鹿入王太厨王有割鮮之膳我徒延朝夕之命王善

其辭遂俞所請其兩群內日輪一鹿未掌敢失一日當次惡鹿群一雌鹿鹿有胎故告王延俟後期不允乃投善鹿王王曰悲哉慈母恩及未形汝自安心吾當可代時善鹿王自請王厨宰夫奏王問其故對曰今日次一雌鹿有胎乞延下次無宜代者然一日之命誰不保惜我今不忍又慮失供故自赴厨願王聽許王歎曰善哉汝有此心我乃默心爾當斷肉味無復日供乃施此林為養鹿之園佛觀此地有昔因緣有來說法報地恩也

三月調根五人得度憍陳如悟尊之首喝慈

解標名

三月調根者俟其時也佛觀五人根緣僅熟乃往化度猶未信受佛現神

變種種調練計經三月乃為三轉四諦十二行法輪五人中憍陳如先悟解得法眼淨即證阿羅漢佛稱為阿若憍陳如為出世第一弟子梵云阿若華言解故云初解標名也餘四人相次得道且憍陳如或云陳那此云火器蓋祖先因事火命姓也率先得度蓋有宿

因按因果經云釋迦因地為忍辱仙人在山中修道時憍陳如為國王名歌利受性暴惡一日將諸姝女入山獵倦假寐時諸侍臣入林採花行至仙人菴前仙為說法良久王竊不見諸女携劍尋覓見在仙菴前王怒問曰汝何人答忍辱仙人又問得上地定耶答未王曰既未得上定乃是凡夫遂拔劍截下仙手足見仙神色不動遂問汝恨我耶仙曰不恨願我成佛先度於王今既得道先度陳如即歌利王也

舍利弗逢馬

勝以傳言於途見歸

梵云舍利弗多此云秋鳥子從母立名也始為刪

闍耶外道弟子博達十八大論辨才無敵然常慨所學所師俱非真正又鄙外道專行鹿惡一日途次逢馬勝比丘持錫掌鉢衣裳楚行步徐雅悅而問之汝師是誰馬勝報曰佛大沙門是我之師又問說何法答曰我出家日淺而無強記今畧以一偈相示曰諸法因緣生亦從因緣滅我佛大沙門常作如是說于時舍利弗言下悟解諦者實義也馬勝

即鹿苑初度五人中阿奢輪也

採菽氏繼踵以師事率門屬

以同歸

採菽氏即大目乾連姓也先與舍利弗同師掌立要云若得其露願共

之其日見舍利弗歸神色怡悅乃問之兄得勝法耶舍利弗乃說其所遇仍以偈示目連亦悟正理相謂曰外道之法徒勞耳二人同心各領徒二百五十人投佛出家佛命善來鬚髮俱落袈裟著身佛告大衆此二弟迦葉子舍利弗智惠第一目乾連神通第一

迦葉

氏彙跡以降心願火徒而迴席

迦葉氏即事火外道優婁

頗羅姓也佛欲化之故往寓宿迦葉鮮無館舍佛指龍堂答云龍性暴惡恐害於仁佛言無畏即攝衣自入中坐至夜龍歸見佛遂怒放火烧佛佛入火光三昧擔宇洞然龍竄無所惟見佛鉢清涼乃躍入其中迦葉是夕見火熾然謂其徒曰彼沙門必受苦矣至旦佛擎鉢出示於迦葉心既稍伏請佛少住供養然未肯受法佛現五百神變方乃歸依與徒

二百五十人一時剃落出家障盡意解成阿羅漢所有祭火器悉棄水中有親弟二人居于下流一名伽耶一名那提亦事火龍見流中祭器奔來看省見兄已成沙門問其故兄為說法亦與徒二百五十人投佛出家皆證道果彙類也優婁為類首二弟從之易云拔第彙征之謂也各與其徒棄火事佛故云迴席莫不甘露洪澍末尼普應甘露者天之上味喻一乘妙法也未尼者或云摩尼此云無垢即珠寶也以其

珠體圓瑩對物現色喻佛自

### 天界人界

天界者佛

在普應群機隨根投法也  
成道二十七日在他化自在天宮天王請說  
十地經後來又在彼說般若理趣經在摩醯  
首羅天宮說文殊千鉢經在初利天宮普遍  
光明閣說一字奇特佛頂經并為母摩耶夏  
三月說法等人界者謂  
五竺十六諸國等處  
**鸚鵡林尸林**  
緣經云佛  
自舍衛國行詣摩竭提國中途有鸚鵡林其  
鸚鵡王并諸眷屬飛翔宮中迎請世尊眾僧

願於我林一宿使我供養佛即許之與僧俱  
入林中坐定鸚鵡眾見佛相好光明眾僧威  
儀寂靜各生歡喜信心同日命終生初利天  
尸林者涅槃經云佛一時在恒河岸尸首林  
中爾時世尊取少樹葉告諸比丘我今手中  
葉多耶一切大地葉多諸比丘言世尊一切  
大地葉多不可稱計如來手中少不足言佛  
言我所覺了一切諸法如大地草木葉為諸  
眾生所宜說者  
**鷺池**  
王舍城迦蘭陀竹林  
如我手中葉也  
園有白鷺池佛說第

十六會 **或就巖** 在王舍城梵云耆闍崛山是

般若經 **或就巖** 也佛說大般若并法華等諸

經 **或海殿** 佛在難陀龍王宮吉祥摩尼寶藏

太雲道場寶樓中說大雲輪請雨

經 **或菴園** 菴摩羅果名也園中多 **或狻猴江**

植此果佛說淨名等經

近毘耶離城有狻猴池池上有山精舍佛在

中入不動三昧度五百商人皆證阿羅漢時

木衆問佛耶輸陀羅比丘尼 **或火龍窟** 西域

及五百商人往昔因緣等 **或火龍窟** 西域

記云

北印土城西有大洞窟是瞿波龍王所居其

龍忽發惡心欲害王壞國佛知乃運神足往

彼龍主見佛歡喜惡心乃息佛為說法授不

殺戒因請留佛住此受我供養佛言吾將寂

滅今為汝留影至吾滅度後汝惡心若起當

觀吾影仍遣五百羅漢住此受汝供養作福

田也因茲國王城邑永無憂患記云唐三藏

辨法師親往禮拜供養佛影遠望則金色炳

耀近則 **或住波羅奈** 正梵語云波羅痾斯華

無視 **或住波羅奈** 言江遶國佛說出曜時

世轉法  
輪等經  
**或居摩碯提**  
唐言無恙害國佛說  
華嚴本起賢愚等經  
**或**

**依堅固林**  
梵云沙羅此云堅固瑞法師譯云  
堅林即佛臨滅最後說大般涅槃

等  
**或止音樂樹**  
在維耶離城佛居樹下說  
經灌頂拔除生處得度經  
**或**

**海濱楞伽頂**  
山在南天竺海邊梵云楞伽華  
言不可往唯得神通者可到佛

居彼說經名  
**或山際補陀岩**  
梵語具云補恒  
入棧伽山經  
洛迦今訛

補陀此云小白花謂此山多生此花香氣遠  
聞是觀自在菩薩住處佛在彼說十一面觀  
自在

經  
**或迦蘭陀竹園**  
梵云迦蘭陀華言好音  
即西域禽名也謂迦蘭

陀長者同類婆娑羅王同  
施立精舍請佛眾住止  
**或舍衛國金地**  
梵云

室羅伐訛云舍衛華言聞物城其中有長者  
名須達拏華言善施常賑恤孤貧國人重之

同號給孤獨長者因往王舍城護彌長者家  
為子求婦見其家備設香花飲饌來日請佛



須達拏本外事外道乍聞佛名心寒毛豎是夜  
 便往禮佛聞法即發先業得正信心便証初  
 果遂請佛歸國佛許之及歸家上勝地惟祇  
 陀太子園高爽方廣堪建精舍往白太子太  
 子戲曰若布金滿園即我當賣須達喜曰此  
 園屬我矣歸家運金灰布八十頃由是買得  
 建立精舍曰祇桓今呼佛  
 寺為金地金田者因此也  
**或應念而空現**  
 斯波  
 匿王及末利夫人遇佛信法已共言我女勝  
 鬘聰慧利根通敏易悟若得見佛必速得道

宜遣信報之勝鬘聞佛功德歡喜頂受說偈  
 贊佛願佛慈愍令我得見作此念時釋迦如  
 來忽於空中現無比身勝鬘見之對佛  
 說十受三願等下十五章名勝鬘經  
**或沒**

**山而出宮**  
 佛從鷲峯山沒切利宮出須彌山  
 沒炎摩宮出乃至已上說華嚴等

經**或說法假於六方**  
 者子白佛言外道諸師

教人晨朝禮六方則得長壽富貴佛法中有  
 此禮否佛言亦有所謂禮東方是檀波羅蜜

多禮南方尸波羅蜜多禮西方展提波羅蜜  
多禮北方毘梨耶波羅蜜多禮下方禪波羅  
密多禮上方般若波羅蜜多若能日日  
正觀禮拜供養即得長壽富貴

或化身

變為三尺

懼師羅長者身長三尺佛為教化  
令歸正法亦化身身長三尺經所謂

應以此身得度者即現此身而為說法是也

或掌覆而指變者楞

嚴經云世尊以闍浮檀金手摩阿難頂即時  
十方普佛世界六種震動微塵如來在世界

者各放寶光同時來祇陀林灌阿難頂焉指  
變者淨名經云螺髻梵王語舍利弗言我見  
此土如自在天宮舍利弗言我見此土丘陵  
坑坎穢惡充滿於是世尊以足指按地即此  
時三千大千世界皆是七寶莊嚴如寶莊嚴佛國

或光流佛來或一

身普集於多身

法華經大樂說菩薩欲見釋迦如來分身諸佛今時世尊

放白毫相光遍照十方各五百萬億那由他  
河沙佛土是時諸佛各將一太菩薩而為侍

者皆來此土如是諸佛皆  
是釋迦佛所化之身  
**或此界便明於他界**

觀無量壽佛經尋提希夫人求  
生淨土今時  
世尊即現十方諸佛淨土  
令尋提希目觀自

選願生何處尋提希即指阿  
彌陀佛國我願生彼佛教  
修十六觀**或變淨而**

**以淨覆穢**佛方便報恩經佛放  
大光照十方佛刹有無量百千  
諸菩薩至此時

娑婆世界無諸山川林藪等  
又法華經三變土田十方嚴淨  
又仁王經佛為大衆現不可

思議神變令一佛土入無量佛土  
無量佛土入一佛土淨復現穢  
穢復現淨**或隨**

**俗而即俗明真**佛所說法不出  
二諦二諦者俗諦真諦也或言  
在俗諦而

理歸真實或即俗即真或因俗  
明真仁王經波斯匿王問言  
勝義諦中有世俗諦否佛言

我今無說汝今無聽無說無聽  
是名一義二義也又十六國  
王咸作是念世尊大慈普得

利益我等如何護國由是如來  
因**若空谷之**此說菩薩護佛果  
真實甚深般若

卷響洪鐘之待扣矣

此如來隨機赴感說法也

其間所說

阿含四有般若八空

佛成道三十年內說此二教蓋隨機投根故也

梵云阿含華言法歸是小乘教有四部一長

阿含二中阿含三雜阿含四增一阿含此教

說一切法有故名四有梵云般若華言淨惠

是太乘教說一切法空有八部故云八空

寶嚴華嚴佛藏地藏

此四部太乘經名也言地藏即十輪經也

思益天之請問

思益者一梵天人名也請問法義從人立題

楞伽

山之語心

入楞伽山經大乘經也此經以心為宗故云語心

萬行首

楞嚴

首楞嚴者三昧名也此經從所詮立題

一乘無量義

無量義處

亦三昧名也從所詮立稱

大悲芬陀利

梵云芬陀利此云白蓮華從喻彰名

法炬陀羅尼

梵云陀羅尼此云摠持有用喻如炬此摠持有寂照之用喻如炬此

從能喻所喻  
二名立稱

**無垢稱之說經**

梵云維摩羅詰  
華言淨名或云

無垢肯下義蓋  
譯者巧拙也

**須達拏之瑞應**

梵云須達拏  
此云善施即

釋迦因地作太子捨一妻二子  
時之名也此經從所詮立題

**釋迦如來成道記卷之上**

終

從前...  
二名立稱  
無垢稱之說經  
無垢者下等  
譯者巧拙也  
釋迦因也  
特之名也

釋迦如來感起卷之上

Handwritten notes and a red seal impression in the bottom right corner.

